

*Cum hic titulus Typographi incuria sit omisus,
eum in fine adjungere volui.*

Pares curiae (sive curtis) aut domus dicuntur convallis, sive Pares, qui ab eodem Patrono (Imperatore, Rege, vel Principe) feuda dependentia receperunt, quasi ejusdem patroni Clientes, *libr. i. feud. tit. 11. 18. § 26.* qui feuda sua habent in eodem territorio, in quo beneficium feudi controversi situm est. Hi Pares Curiae regulatim sunt Judices, quoties inter Dominum feudi, & vasallum ratione feudi oritur controversia *i. feud. 22. §. 2.* ratio triplex est, quare Pares Curiae, & non ordinarius Magistratus in ejusmodi controversiis constituantur Judices. (1) quia Pares curiae non presumuntur aliquid contra juramentum fidelitatis praestitum Domino feudi detracturi; nec convalllo suo, seu consorti nocti, ne sibimetipsis inde periculum immineat. Altera ratio est, quia Pares Curiae sive convallis melius norunt morem illius curiae, quam Judex ordinarius, vel alius. Tertia ratio est, quia Pares curiae ideo censentur necessarii, ne quid excogitetur falsitatis in perniciem domini, aliis testibus adductis, corruptis forte pecunia, odio vel gratia; quae omnia non sunt suspicanda in Paribus curiae, *2. feud. 58. §. item sciendum.* Hic porro queritur, an non omnes Pares Curiae debeant esse ejusdem dignitatis, hoc est, ut omnes sint vel Comites, Barones, Nobiles, Doctores &c. Resp. negando ob sequentes rationes. (1) quia juris est, ut Judex inferior possit inter reum & auctorem majoris dignitatis licet ferre sententiam, *l. 14. ff. de jurisdict.* (2) quia Pares Curiae non inde habent nomen & denominationem, quasi eorum pars status, qualitas & potestas praeceps esse debeat, hoc est, ut si Vasallus, cum quo de feudo litigatur, sit Comes, vel Baro, ut omnes Pares Curiae quoque sint Comites vel Barones; cum & Nobiles, Doctores, vel alii esse possint, modo sint convallis & ejusdem territorii. Ideo Pares curiae dicuntur a paritate fidelitatis, vel quod pares & aequales sint inter se in eo, quod ipsorum res feudales unius domini territorio & Curiae, hoc est, domui dominicali subsint, *i. feud. 26. princ. v. testes §. 1. ibi Pares domo domini.* Ast si vasalli ratione territorii sint dispare, licet unum, cundemque habeant feudorum Dominum, tunc Pares Curiae non sunt censendi, e. gr. Si vasalli non in uno territorio habi-